

BOSNA I HERCEGOVINA  
FEDERACIJA BOSNE I HERCEGOVINE  
KANTON SREDIŠNJA BOSNA / SREDNJOBOSANSKI KANTON  
TRAVNIK

MINISTARSTVO OBRAZOVANJA,  
ZNANOSTI, MLADIH, KULTURE I ŠPORTA



CENTRAL BOSNIA CANTON  
MINISTRY OF EDUCATION,  
SCIENCE, YOUTH, CULTURE AND SPORTS

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Broj: 03-34-12/20-21  
Travnik, 6.5.2020. godine

**SVIM OSNOVNIM ŠKOLAMA  
SREDNJOBOSANSKOG KANTONA**  
n/r direktora-ica

Na osnovu člana 12. Zakona o organizovanju i djelokrugu rada kantonalnih ministarstava i drugih tijela kantonalne uprave („Sl.novine SBK“, broj 15/12,17/12 i 11/19), člana 65. Zakona o organizovanju tijela uprave u F BiH („Sl.novine F BiH“, broj 35/05), člana 64. stavak 2. Zakona o srednjoj školi i članka 43. Zakona o osnovnoj školi („Sl.novine SBK, broj 11/01 i 17/04), Instrukcija Ministarstva obrazovanja SBK, broj 03-34-12/20-9 od 16.3.2020.godine, Instrukcije Ministarstva obrazovanja SBK, broj 03-34-12/20-11 od 23.3.2020.godine i Smjernica za vrednovanje i ocjenjivanje učenika u osnovnim i srednjim školama u SBK, broj 03-31-12/20-15 od 06.04.2020.godine, ministar Ministarstva obrazovanja, nauke, mladih, kulture i sporta SBK (u daljem tekstu: **Ministarstvo**) donosi

**INSTRUKCIJU**

o evidentiranju nastave na daljine u pedagošku evidenciju i dokumentaciju, održavanju online sjednica nastavnčkih i odjelnih vijeća i zaključivanju ocjena u osnovnim i srednjim školama

**I.**

S obzirom da je u periodu od 16.3.2020.godine Ministarstvo propisalo da se nastavni proces odvija putem učenja na daljinu i s obzirom da se shodno donesenim Kalendarom rada za osnovne i srednje škole koje Nastavni plan i program realiziraju na hrvatskom jeziku i Kalendarom rada za osnovne i srednje škole koje Nastavni plan i program realiziraju na bosanskom jeziku, nastavna godina u završnim razredima srednje škole završava 8.5.2020.godine, a u ostalim razredima 12.6.2020.godine, te u osnovnim školama deveti razred završava 29.5.2020.godine, prvi razred 05.6.2020.godine, a od drugog do osmog razreda nastavna godina završava 12.6.2020.godine, zadužuju se direktori-ice **da odmah**, a prije navedenih rokova izvrše slijedeće:

1. Sazovu online sjednicu nastavnčkog vijeća i utvrde je li za sve odjele i sve predmete održavana nastava na daljinu i realiziran ukupan fond časova za cijelo drugo polugodište (sumirajući redovitu i nastavu na daljinu). Također, potrebno je utvrditi šta od ukupnog fonda časova odnosno nastavnog sadržaja nije objektivno bilo moguće realizovati zbog mjera koje su bile na snazi ili izvršene redukcije nastavnog sadržaja.
2. Za predmete po razrednim odjeljenjima za koje se utvrdi da eventualno nije održavana nastava na daljinu, odnosno nije realizovan ukupan fond časova propisan

nastavnim planovima i programima u drugom obrazovnom razdoblju, odmah donijeti odluku nastavničkog vijeća o produžetku nastave. Nakon realizovanja eventualnog potrebnog produžetka nastave direktor-ice će zadužiti sve nastavnike da u razredne knjige upišu održane nastavne jedinice koji će odgovarati potrebnom fondu časova po predmetima, te ocjene koje su dodijelili učenicima. Raspored dolaska nastavnika radi popunjavanja nužne pedagoške dokumentacije/evidencije sačinīt će direktor-ica uz poštivanje svih propisanih mjera zaštite;

3. Nakon upisivanja svih sadržaja i ocjena u razredne knjige, direktor-ice će sazvati online sjednicu odjelnih vijeća na kojima će se utvrđivati zaključne ocjene, uz obaveznu potvrdu na tim sjednicama je li izvršeno realizovanje fonda časova za svaki predmet;
4. Dokumentiranje održane nastave na daljinu, osim upisivanja u pedagošku evidenciju i dokumentaciju, škola je dužna posjedovati i čuvati u elektronskoj arhivi;
5. Svaka online sjednica nastavničkog vijeća i odjelnih vijeća mora biti evidentirana u knjizi zapisnika nastavničkog vijeća, u predviđenu rubriku za sjednice odjelnih vijeća u razrednim knjigama.

## II.

Učeniku srednje škole se može utvrditi zaključna ocjena iz nastavnog predmeta pod uslovom da u drugom polugodištu, u skladu sa članom 74. stavak 5. Zakona o srednjoj školi, nije izostajao sa nastave više od 1/3 planiranih sati, uključujući i nastavu na daljinu, a za učenike osnovnih škola, u skladu sa članom 40. Zakona o osnovnoj školi, ako nije duže vrijeme izostajao sa nastave zbog bolesti ili drugih opravdanih razloga (neposjedovanje informatičke opreme, internetske konekcije).

## III.

Učenici iz prethodnog člana ove Instrukcije, kojima se nije mogla utvrditi zaključna ocjena upućuju se na polaganje razrednog ispita u školi pred Komisijom kojeg imenuje nastavničko vijeće na online sjednici, uz vođenje propisane evidencije.

Za učenike muzičkih škola gdje se zakonski predviđa utvrđivanje zaključnih ocjena pred Komisijom, takvi ispiti će se, zbog specifičnosti, održati u školi uz poštivanje svih mjera zaštite i prethodno jasan raspored termina za svakog učenika koji se javno objavljuje na web stranici i dostavlja online svakom učeniku odnosno roditelju/staratelju.

Učenici iz prethodnog člana ove Instrukcije, upućuju se da polažu razredni ispit online ili u školi prema izboru učenika, a ispit se polaže pred Komisijom koje imenuje nastavničko vijeće na online sjednici i koje ispit obavlja iz prostorija škole, uz vođenje propisane evidencije.

## IV.

Kao elementi za zaključivanje ocjena iz nastavnih predmeta uzima se zaključna ocjena iz prvog polugodišta, ocjene dobivene u periodu redovitog nastavnog procesa drugog polugodišta i iz perioda online nastave u drugom polugodištu, prisutnost i odnos učenika prema online nastavi, izvršavanje zadatih obveza i kvaliteta istih.

## V.

Uzimajući u obzir kako je, radi proglašene epidemije virusa COVID-19 i ograničenja kretanja i okupljanja, nastava po prvi put realizirana kao nastava na daljinu, zaključne ocjene treba utvrđivati rukovodeći se zakonskim principom većeg interesa učenika, naročito ako je učenik u razdoblju izvođenja nastave na daljinu pokazao napredak u odnosu na prethodno razdoblje.

## VI.

Zaključne ocjene saopštavaju se učenicima online porukom uz obavezno navođenje prava na prigovor, u skladu sa članom 66. Zakona o srednjoj školi i članom 47. Zakona o osnovnoj školi.

Ako se prigovor prihvati ili od nastavnčkog vijeća ili Ministarstva, ispit se obavlja pred Komisijom koje imenuje nastavničko vijeće na online sjednici i koje ispit obavlja iz prostorija škole, uz vođenje propisane evidencije.

## VII.

U skladu sa odredbama člana 69. Zakona o srednjoj školi i člana 49. Zakona o osnovnoj školi zaključnu ocjenu utvrđuje odjelno vijeće na online sjednici, na prijedlog razrednika za predmetnu nastavu.

Kao elementi za zaključivanje ocjena iz vladanja uzima se zaključna ocjena iz prvog polugodišta, izrečene odgojno – stegovne mjere iz perioda redovite nastave i odnos učenika prema obvezama prisutnosti online nastavi i izvršavanju obveza.

Ako je učenik imao smanjenu ocjenu iz vladanja, ista se može popraviti ukoliko je učenik imao pozitivan odnos prema nastavi na daljini i nastavnicima.

## VIII.

Nakon što se zaključne ocjene iz predmeta i vladanja utvrde na sjednici odjelnih vijeća ili putem komisije za razredne ispite, razrednik je dužan unijeti zaključne ocjene u razrednu knjigu, a potom, odmah i u matičnu knjigu.

## IX.

Direktor-ica imenuje tročlanu Komisiju koje će izvršiti provjeru podataka o zaključenim ocjenama iz zapisnika sa sjednice odjelnih vijeća, razredne knjige – imenik učenika i matične knjige.

Na osnovu izvještaja Komisije, direktor-ica može potpisati svjedodžbe o završenom razredu ili završenom obrazovanju za srednje škole, svjedodžbe za deveti razred osnovne škole i potvrde o završenom razredu osnovne škole i svjedodžbu o završenom osnovnom muzičkom obrazovanju.

## X.

Svjedodžbe o završenom razredu, uvjerenja/potvrde, uručivat će se učenicima u zato posebno utvrđenim terminima radi poštivanja svih mjera zaštite u vrijeme proglašene epidemije. Navedene obrazovne isprave mogu preuzimati roditelji/staratelji učenika.

## XI.

Nadzor nad provođenjem ove Instrukcije obavljat će Odjel za obrazovanje, a Inspektorat će vršiti i neposredan inspeksijski nadzor.

Predmetom nadzora bit će i izvršavanje svih zadataka i obaveza koji su prethodnim instrukcijama, smjernicama ili drugim aktima Ministarstva obvezani direktori-ice, nastavnici i stručni suradnici.



**MINISTAR**

*Bojan Domic*  
Bojan Domic